



Ustaz Dr Mohd Izhar (tengah) berkongsi pandangan tentang tatacara berpakaian yang menepati syariat Islam kepada audiens.

Forum tatacara berpakaian

FORUM perhubungan awam bertajuk "Keterampilan Diri dalam Perhubungan Awam Islam: Peluang dan Cabaran", telah diadakan baru-baru ini, dengan kerjasama penuntut Ijazah Sarjana Muda Komunikasi Penyiaran dan Ijazah Sarjana Muda Al-Quran Sunnah Komunikasi, Kolej Universiti Islam Antarabangsa Selangor (Kuis).

Forum ini memfokuskan kefahaman tentang tatacara berpakaian dalam kerjaya sebagai seorang pegawai perhubungan awam yang menepati syariat Islam, di samping meningkatkan keyakinan diri bagi menghadapi cabaran kerjaya profesional perhubungan awam.

Panel jemputan terdiri Pensyarah Kanan, Jabatan Syariah UKM, Ustaz Dr Mohd Izhar Ariff dan pengamal profesional, Norhawanirwana Habidin.

"Aspek keterampilan dalam Islam yang perlu dijaga adalah kebersihan dan kekemasan seperti yang dipercontohkan melalui keterampilan yang unggul oleh Nabi Muhammad SAW," kata Ustaz Dr Mohd Izhar.

Norhawanirwana pula memberikan tip yang boleh dimanfaatkan apabila melangkah ke dunia profesional.

"Dari kaca mata dunia perhubungan awam, kita mesti berkeyakinan tinggi dan perlu ada gaya tersendiri, kita tidak perlu cantik untuk menjadi pegawai perhubungan awam tetapi kita perlu kelihatan cantik untuk profesion ini dan cantik tidak bermakna kita perlu seksi," ujarnya.

Muhammad Fakhzur Razi, selaku moderator berjaya mengendalikan forum secara santai, ceria dan menarik sehingga ke akhir perbincangan. Forum mendapat sambutan menggalakkan dengan kehadiran peserta melebihi 90 audiens.